

Cyngor Cymuned Llanddeiniolen

Cofnodion Cyfarfod y Cyngor a Gynhaliwyd yn Ysgol Gymuned Penisarwaun Nos Fawrth 2ail Chwefror 2016

Yn bresennol :- Y Cadeirydd Miss Phyllis Ellis a'r Cynghorwyr, Sion Jones, Elfed Williams, Richard Ll. Jones, Jane Pierce, Carolyn Roberts, a R. Hefin Williams.

Yn ystod y cyfarfod Croesawyd Anwen Davies, Rheolwr Cyswllt Mentrau Cymdeithasol o Gyngor Gwynedd.

Gweddi. Offrymwyd gair o weddi gan Richard Ll. Jones

Gyda thristwch clywsom am golli Elspeth Mitcheson a fu am rai blynyddoedd yn cynghorydd cymunedol yn Rhiwlas. Cynhaliwyd yr angladd yr wythnos hon a chydymdeimlwn a Beth ac Anna ei merched a'u teuluoedd. Talwyd teyrnged iddi gan Richard Ll. Jones, lle dywedodd ei bod hi gyda gweledigaeth o'r gwaith ac ei bod yn berson oedd yn gwneud popeth yn drylwyr tu hwnt ac yn weithgar iawn o fewn ei chymdeithas. Diolch am ei gwasanaeth.

1. Ymddiheuriadau. Phyllip Jones, Aled Green, Rhian Evans, Geraint Elis, Idris Thomas

2. Datgan buddiant. Dim

3. Cofnodion cyfarfod 5ed Ionawr 2016.

Nododd Sion Jones mai 2 gyfyngiad parcio sydd yn Bethel nid 3

Fel arall, derbyniwyd y cofnodion fel rhai cywir.

4. Materion o'r cofnodion

Cynllun Lliniaru Llifogydd – Derbyniwyd llythyr yn cadarnhau fod cyngor Gwynedd yn bwriadu uwchraddio y system draenio dŵr gwyneb presennol o flaen Tai Weirglodd, Cae Berllan a Tros y Waun ym Mhenisarwaun Gobeithio dechrau ar y gwaith yn ystod yr wythnosau nesaf.

Cyflwr Lôn yn dilyn Adnewyddu Tai Bryntirion – Derbyniwyd ymateb gan CCG y bydd y lôn yn cael ei atgyweirio i safon dderbynniol unwaith fydd y gwaith gwelliannau i'r tai ar y stâd wedi eu cwblhau.

Biniau Halen – Rydym bellach wedi derbyn pris a chyflenwr fydd yn llenwi y biniau halen i ni y flwyddyn nesaf.

Parcio Groesfan King Arthur – Derbyniwyd llythyr yn dweud fod peiranydd traffic yn mynd i asesu'r safle

Gwefan – Yn dilyn llythyr gan Richard Ll. Jones yn Eco'r Wyddfa fis diwethaf, gofynnir i unrhyw fudiad o fewn y gymuned sydd angen eu cynnwys ar wefan Cyngor Cymuned i gysylltu a'r clerc.

5. Anwen Davies

Dechreuodd drwy drafod y sefyllfa ariannol o fewn y cyngor, ac yn dweud bod amser ymgynghori wedi dod i ben. Bydd y Cyngor yn gweithio drwy yr ymatebion i weld nawr lle yn union fydd y toriadau. O sicrwydd bydd pethau yn cael eu cynnig i'r cynghorau cymuned, efallai fod yna sefyllfa lle gall cynghorau cymuned weld ffordd o wneud rhywbeth mewn ffordd gwahanol (effeithlonrwydd).

Bu cryn drafod ar wahanol bethau, ond nodwyd ganddom ni fel cyngor, er fod yna doriadau, mae gan y trethdalwyr hawl i'r run safon o wasanaeth o hyd. Diolchodd y cadeirydd iddi am ddod atom ac am drafodaeth o newidiadau sydd i ddod.

6. Gohebiaeth a materion eraill

Clwb Bowlio dan do Bethel - Derbyniwyd llythyr cais am nawdd ariannol i gefnogi y clwb. Mae gan y cyngor amser penodol yn yr Hydref pan fyddwn yn derbyn ceisiadau am nawdd. Clerc i ymateb yn tynnu sylw i rheol yma.

Ynni Padarn Peris – Mae'r cynllun yma bellach wedi ei basio gan Cyngor Gwynedd ac mae'r tirfeddianwyr wedi arwyddo 'r les. Mae'r cysylltiad i'r grid cenedlaethol wedi ei gadarnhau, a'r contractwyr wedi eu penodi. Gobeithir dechrau ar y gwaith o adeiladu yn mis Mai a chwblhau ym mis Medi.

Bydd y gost o adeiladu'r hydro yn £250,000, a'r gobaith ydi ariannu'r gost o adeiladu trwy werthu cyfrandaliadau a fydd yn agored i bawb.

Bydd 1 siar werth £250 gyda'r mwyafrif at werth £10,000.

Mwyaf bydd gwerth y siars, yna llai fydd y benthyciad o'r banc, ond yn gobeithio gwerthu digon o siars i ariannu'r holl prosiect.

Os oes rhywyn am wybod mwy, bydd lansiad i werthu cyfrandaliadau yn cymeryd lle yn y Mynydd Gwefru, Llanberis ar yr 27ain Chwefror 2016. Diwrnod cau y cynnigion fydd Ebrill 30 2016

7. Cynllunio

Parc Nant y Garth – Newid defnydd sied amaethyddol presennol i ddiwydiant ysgafn ynghyd a chreu iard storio allanol ar gyfer caban symudol.

38 caeau Gleision – Codi lolfa haul cefn.

Gallod Fachwen – Newidiadau i'r tŷ presennol gan gynnwys gosod ffenestr gromen a chreu teras tô ar ben lolfa haul.

Rhydd Dir – Codi sied amaethyddol a stabl.

Gwyndy Rhiwen, Deiniolen - Codi estyniad deulawr ac addasiadau yn cynnwys balconi

8. O gwmpas y Bwrdd

Dyweddodd y Clerc, yn drist iawn ei bod wedi derbyn galwad ffôn gan Philip Jones, yn dweud, oherwydd cyflwr presennol ei iechyd, fod yn rhaid iddo ymddiswyddo o fod yn cynghorydd cymunedol ar ardal Dinorwig. Nid oedd yn gweld ei fod yn gwneud tegwch a phobl yr ardal gan na allai bellach fynd o gwmpas yr ardal na chwaith fynychu cyfarfodydd. Diolch yn fawr iawn i Philip Jones am ei wasanaeth trylwyr dros y blynyddoedd, ac un oedd yn adnabod yr ardal yn dda ac wedi gweithio dros wella i'r ardal.

Byddwn nawr yn hysbysu y sedd yn wag yn ardal Dinorwig.

Rhiwlas – Yn dilyn llifogydd yn yr ardal, mae adran briffyrdd yn llnau y gwli ochor y lôn er mwyn i'r dŵr redeg yn fwy rhwydd i'r gwteri. Mae Cyfoeth Naturiol Cymru a Bwrdd Dwr yn anelu at waith fydd yn costio i fyny o 200 mil o welliannau.

Penisarwaun – Baw Ci dal yn broblem fawr. Llythyr i Wynedd

Ar y ffordd o Penisarwaun i Fethel rhwng Neuadd Glasgoed a Tyn Felin, mae yno gadair esmwyth wedi cael ei llechio ar ochor y lon. Llythyr i Wynedd.